

## Meilēs šuokis

Tēp šēndēina šērdelē sugielē  
Jaučio, diesio i turgieli.  
Pērkso šliorēs ēr jopelē,  
Ruožiem piešta koskēlelē.

Vakarelīe sobatelēs  
Eso dēdlē straini.  
Žondā kaist kap vobuolelē –  
Jau pakēla baimē.

Tīlē siedo ont krieslalē,  
Skvarbatkelēs čiupiniejo,  
Kol Bladielis prisilēnkēs  
Tīlē sučiulbiejē.

„Diekiau viečna mazurkelē –  
Lai subēld žemelē!..  
Pri šērdelēs prisiglauso  
– Būk mona mergelē!..“

Šuokuov, dūkuov lig aušrelēs,  
Nebelaika jau kuojelēs,  
O širdelīe žīd saulelē –  
Eso Bladē jau mergelē.